

اداره مرکزی :

آق قروند ، استانبول چاده سنده آق قروند
معارف امینلک پاشده کی داتره

استانبول بوروسی :

استانبولده ، باب عالی چاده سنده ۸۷ نوروده
داتره مخصوصه

حیات

میان راهما حیات ... دیار راهما حیات ...
- نیجه -

نسخه هربوده ۱۰ غرورده .

سنه کی بوسته ایله ۵ لیرا .
(اجنئی مملکتلر ایچین ۵ دولار)

ابونه و اعلان ایشلری ایچین استانبول بوروسه
مراجعت ایدیلیر .
یازی ایشلرینک مرجعی آق قروند مرکزدر .

صافی : ۵۷

آق قروند ، ۲۹ کانون اول ، ۱۹۲۷

۳ نجی جلد

صاحبہ :

ذهنه وایش، نظریه و عملیه

مدرس عزت بك افندی عقل و قلب منطقی
دیه ایکی منطق قبول ایله بن کوروشه عصیان
ایله دیلر ، روحك یامالی قالماسنه حقی اولارق
تحمل ایدمه دیلر . فقط « یاماللق » نظریه سنك
چشید چشیدی واردر . فکرله واقعه ، ذهن
ایله ایش ، نظریه ایله عملیه آراسنده کوروله
کلن قطعی آریلیقلر انسانی دها آزمی یامالی
یابیور ؟ گاه واقعه لری یالکز فکره ارجاع
ایدن ، گاه فکری واقعه نك بر آینه سی کی
کورهن نظریه لر ، بونلر آراسنده مناسبت تأسیس
ایتمك و « حقیقت » ك معیارینی بزه کوسته رمك ایچین
نه قادیار کوجلکلره اوغرا مشلردر ! ذهن ایله ،
فعل وایش آراسنده اتصال کورمه مك ، بیلکی
استحصالنده فعلك ، ایشك تأثیرینی اکللاماق
یوزندن بشریت بر جوق عصرلر حاضر لانتش
واو کره نیلمش معلومات اوزرنده محاکمه قابلیتینی
قوللانقله اوغراشدی . فقط عصرلر جه سوره ن بو
مساعیدنده حقیقی و مشر علم دوغامادی . جوق
زمان نظریه ، فکرلر آراسنده تناقصز استدلال
و حکملردن عبارت کورولدی . او زمان نظریه لر
بزی ای حرکتیه سوق ایله جك تحلیللری تأمین
ایدن بر آلت کی دکل ، بذاته بر هدف ظن اولوندی .
دیگر جه تدن عملیه ده ، ضروری ساققلره پایلان
حرکتلر عد ایدیلدی . بونلرک تجربه لریمیزی
و فکرلریمیزی زنکینلشدیرمك خصوصنده کی
قیمتی جوق زمان اونوتولدی .

ذهن آدمیه ایش آدمی ، نظریه جی ایله
عمل انسانی آری آری صنفلردی . ذهن آدمنده
ایش ، ایش آدمنده فکر آرامق زانڈ ظن
اولوندی . انسانك عمل و تجربه سنك ، نظریه سی
اوزرنده کی تأثیر لایقیه آکلاشیلما دی .

دقت ایدیلیرسه فلسفه ده کی بوتفریقار جمعیت
ایچنده صنفلری مشروع کوستره جك ماهیت
عرض ایدرلر . ذهن ایله ایش یکدیگرندن تماماً
آری ایسه ، ذهن مشغله سنی اختیار ایدمه نلرله صنعت
وایش اربابی بسبتون آری صنفلر تشکیل ایدمه لرلر .
جمعیتك ، بویه بربرلریله مناسبتده اولمایان
صنفلره آریلاجنی ده قبول اولوندینی مدتیجه تام
ده موقراسی مفکوره سی بر خیال اولور .
برکت ویرسین که مثبت علملرک تجربه یه و بناء علیه
فعالیه داینامسی ، بو کونکی صنایعك علم حیاته
اولان احتیاجی ، تطبیقاتك علمی کشفیات ایچون بر
سائق اولماسی ، علمی کشفیاتك حیات و صنایعده
ایفا ایتدیکی خدمت نسبتنده قیمت اکتساب
ایله مسمی ، نهایت ده موقراسیلرده ایش اربابنك ده
کنیش بر صورتده اجتماعی حیاته قارشماسی .. بو
صنفلری ییقمقده در . آرتیق ذهن تربیه سی و علم ،
اجتماعی فعالیتلری محدود وزمانی بوش اولان
انسانلره خاص بر مشغله دکلدر . بالعکس او ، هر
ایش ادمنك توجه ایتدیکی استقامتی تنور ایله بن
بر آلتدر . کذلک ایش ، یعنی معین نتیجه یی الله
ایتمك ایچون فردك شعورلی فعالیتی ، یالکز قازانچ
ضرورتیه یاپیلان عملدن عبارت دکلدر . ایش ،
عینی زمانده بر فکرک دوغرو لغتی ، حقیقت اولماسنی
تأیید ایدمه جك ضروری فعالیت ؛ یا خود ذهن
عیاتی زنکینله شدیرن ، یکی یکی مسئله لر
مواجهه سنده بیر اقارق فکر مساعیسنی قوتلندیرن
بر حیات افعوله سیدر .

ده موقراسی و علمك ترقیسی جمعیت حیاته ند
بو انقلابی یاپارکن فلسفی دوشونوشده ده آرتیق
ذهن ایله ایش ، نظریه ایله عملیه آراسنده کی
آریلینی مشروع کوستره جك نظریه لر بر

ویرمه مك ایجاب ایدر . فلسفی دوشونوش اك
کنیش معناسنده تجربه قارشیسنده یعنی علم
و جمعیت اوکنده انساندن ایستینلن طور
و حرکتك تعینی ایسه بو کونک علم و اجتماعی
حیاتك تلقین ایله دیکی ده موقراسینك ده ، بزدن
ایسته دیکی بر فلسفه کوروشی اولمالیدر . هیچ
بر فلسفه سیسته می تأسس ایتدیکی محیط
وزمانده کی اجتماعی حیاته لاقید قالماز .
اون یدنجی عصر فیلسوفلرینك « مطلق » ی
استهداف ایله بن فلسفه سیسته میله ، بالخاصه
ره فورمدن صوکر ا باشلایان حکمدارک
قدرت مطلقه سنك لزومی حقنده کی تلقی آراسنده
صیتی مناسبت یوقیدر ؟ بویه بر اجتماعی محیط
ایچنده باشایان فیلسوفلرک تجربه لری ده اونلری
آنحاق بویه ذهنی بر طوره سوق ایدمه ردی . ده مو-
قراسی تجربه سی ایچنده یاشایانلر ، هر هانکی
مسکلدن اولورسه اولسون اجتماعی حیاته
سربستجه فعالیتده بولونمالرینی طلب ایله بن بر
حیاتك لذتی دویانلر صنف فرقلرینی مشروع
کوستره بویه جك صنی آریلیقلره بر ویرمه میلدرلر .
ذاتاً تپسیقولوژینك ، بالخاصه بیلکی اکتسابنده ،
بشر ذکاسنك ایفا ایتدیکی وظیفه لر حقنده کی تحلیللری ،
ذهن ایله ایش ، نظریه ایله عملیه آراسنده
آریلیق دکل ، قوتلی اتصالی کوستره جك ماهیتده در .
فلسفه بو تحلیلله دایانمق مجبوریتنده در .

فلسفی کوروشده کی یوتکاملی ایسته مکلکمز
منحصراً موافق بر اعتقادك یایلماسی ایچون
دکلدر . هر یکی قناعت ، هر یکی فکر شاییتده
برانکشافك ، بر دیکشیکلکك مقدمه سی اولور .
فلسفی قناعتك تطبیق اولوناجنی بر ، تأییدی
ایچون آراناجق فعالیت زمینی ، بالخاصه تربیه

سیاسی تفکیک و جمعیت

— ۶ —

فردیك تفكر دنیاسك سیاسی فكر لری : c — آرستوتله‌س

أفلاطون ایله آرستوتله‌سك دولت و جمعیت تفكیری بری برندن اهمیتلی صورتده فرقلیدر. بونی‌ده هرایکی متفكرك باشلانغچ نوقطالرینی تشکیل ایدهن اساسلرده آرامق ایجاب ایدهر. أفلاطون ؛ بوتون اضافیلکك فوقیده بر « ایده آعالمی » تصور اییدیور. بوتون حیات و جمعیت اضافیلکكی بوكال (عرش) نه یاقلاشدیرمایه چالیشیور. ایده آ ؛ آرستوتله‌سه کوره « عمومیت » دن باشقا برشی ده کیلدر. مختلف خصوصیتلرک « پارجا » لرینی احتوا ایدن « تجرید » بکزه ر. حقیقه شانی اولابیلن ؛ « فرد » در. فرد ؛ مستقل بر « جوهر » در. « ایده آ » نك « گولکله شكل » ی اولاماز. عمومیتلرک، تجریدلرک مستقل بر « موجودیت » ی یوقدر. اونك ایچین مختلف « نفرد » جوهرلرک وصفلرینی افاده ایدهن عمومیتلر ؛ اجتماعی تحلیللره اساس اولامازلر. کورولوبورکه ؛ آرستوتله‌س ؛ أفلاطونك ایده آسی یرینه فردی اقامه اییدیور. فرد نه در ؟ بز بوتی داها آشاغیلرده کوره جکزر.

فرد ؛ بوتون اجتماعی فعالیتلرک ، مؤسسه لرک غایه سیدر. دولتك رفاه و سعادتق فردك رفاه و سعادتنه تابعدر. اونك ایچین پولتیقه نك غایه سی ؛ یالکزر أك ابی ، أك موافق بوللری قاورامقدن عبارت اولور. چونکه ؛ بو دولت طرفندن تعقیب ایدیله سی ایجاب ایدهن بولارک رفاه و سعادتله ده رین مناسبتلری واردر. موقتیت وعد ایدهن بوللری بولق ده موجود دولتك تاریخی بنی سنی اساسلی صورتده آراشدیرمقله ممکندر. « أك مکمل » انسانی معاشرت شکلی اولان دولت ؛ عالمه لرک جمعیت حیاتنده اریعه سیله وجوده کلشدر. آرستوتله‌س ؛ بوراده أفلاطونه قارشى شدتلی بر تضاد تشکیل اییدیور. ایلك معاشرتک اساسی ؛ قادین و ارکک آراسنده کی مناسبتدر. ارکک واقعا عالمه رئیسدر ، فاقاط قاریسنى « کندى عبارتنده » بر موجودیت عداغه لیدر. بونکله برابر آرستوتله‌س ؛ ارککک نسبی بر « تفوق » نه طرفداردر. جوجوقلره کلینجه ؛ اونلر ؛ بابالریك اراده لرینه تمامیه تابع اولالیدرلر.

آرستوتله‌س ؛ فردلری ایکی به آیریور ؛ أفندیلر و أسیرلر .. اوکا کوره أسیرلر ؛ بوس بوتون أفندیسك اراده‌سینه تابع السانلردن باشقا برشی ده کیلدر. أسیرلره حریت و یرمک ، وطنداش حقلری و یرمک ، طبیعتنه تضاد تشکیل اتمه سی ایجاب ایدهن برشیدر. دنیه لیلرکه ؛ بویه بر تقسیمى عاداتا طبیعت وجوده کتیرمشددر. بز بوراده ، اوونك استحصال

حیاتنده بویوک بررول اوینایان أسیرلرک بر فیلولوزوف طرفندن بیه ناصل محاکمه ایدیله یکنی بک ابی کور و بورز. آرستوتله‌س ؛ أسیرلری آلن اقتصاداتی ایچین بر ضرورت تلقی اتمک ایستیور. أسیرلک ؛ حقسزلق ده کیلدر. أسیرلر ؛ « فطره » أسیر دوغمشلردر ! أك بویوک حقسزلق ایسه فکرلری اعتباریه بویوک انسانلرک - محاربه نتیجه سنده - أسیر اولالیدر ! طبیعت ؛ آلنلری « حاکم اولق » ایچین یاراتمشددر. باربارلر ایسه آلنلرک اوشاغی اولایه محکومدر ، اونك ایچین أفندیلر باشقا تورلو ، أسیرلرده باشقا تورلو تربیه ایدیله لیدر. أسیره و یرمکک تربیه ؛ أسیرلک فضیلتلری (!!) نه استناد ایده بیلیر . یعنی : أسیر ؛ آت کبی ، اوکوز کبی ، الخ .. أفندیسغه اعظمی فایدا تأمین ایده جک برحاله کتیریه لیدر .

دولتك ایلك شکلی عالمه در . آراده مختلف اجتماعی تیلرلر یوقدر . طائله نك بویوک برشکلی اولان کوی ؛ شهره ، یعنی - اودورک تعبیریه - دولته وجود و بریر . آرستوتله‌س ؛ بوصورنله دولت قانون اساسیلرینی مناقشه به باشلیور. قانون اساسیلرک غایه سی نه اولابیلیر ؟ فیلولوزوف بوتی صریح بر صورتده تثبیت اییدیور : سیاسی حقلرک توزیبی .. بویکی حقلرک توزیبی اوقادار قولای برشی ده کیلدر . مسألینی أك زیاده مشكله شدیره ن شی ؛ انسانلرک ، داها دوغروسى و طنداشلرک فطری لیاقت و مزیتلری آراسنده کی بویوک مساواتسزلقدر. بولیاقت و مزیتلر ، هر و طنداشده عینی درجه ده تجلی ایده بیلیدى ، اووقت دولت و و طنداش پر و پله می قولایلقله حل ایدیله بیلیردی . احوالده نه یلچالی ؟ آرستوتله‌س ؛ تجربه سته استناد ایده رك بول کوسته ریور : و طنداشلری مشغولیتلرینه ، حیات طرز لرینه کوره آیرمق ! أك عادى ایشلره اوغراشان ایشیلر ، زنجیرلر ؛ بویکک لیاقت و فضیلت صاحبیلره بر اولامازلر . اساساً بویکک فضیلتلری قطعاً قاورایامایان ایشیلر ؛ « طبیعت » لرینک افاده سیدر . دولت ایسه فضیلتلره استناد ایدهر . اونك ایچین ایشیلرله بویکک فضیلت صاحبیلری آراسنده حقوق فرقلری ضروریدر . اصیللره و زه نکیلرله کلینجه ؛ آرستوتله‌س ؛ بونلرک تام معناسیله حقوق صاحبی اولالرینی مطلق بولوبور . چونکه ؛ اصیللرده تمیز برقان واردر . زه نکیلر ایسه خلق و روتنك بویوک بر قسمی آلرینه کچیرمشلردر . مال و ملک صاحبی ؛ ماسز و ملکسزلردن زیاده اعتماد لایقدر. اونك ایچین بونلرک دولت اداره سنده معین موقع و نفوذلری اولالیدر . فاقاط زه نکیلرله

تأمین ایدیله ن بو « حق » ده حدودسز برحق اولاماز . چونکه ؛ دولت ؛ یالکزر بر « قازانغ تشکیلاتی » ده کیلدر . « خیرالامور اوسطها » نك فلاسفی باباسی اولان آرستوتله‌س ؛ بوشکل حق توزیمندن قورنولمق ایچین آلون « اورتا بول » پرنسپینه باش وورویور : زه نکیلکک ده ، فقیرلکک ده اجتماعی و اخلاق ضررلری واردر . دولت حیاتی ایچین أك اهمیتلی صنف ؛ اورتا صنف ، اورتا طبقه اولابیلیر . دولت ؛ بوصفه استناد اتمه لیدر . حقلر توزیم ایدیله رکن فردك سیاسی مزیتلرینی ، فضیلتلرینی ، عدالتی ، حرب لیاقتلرینی کوزدن اوزاق بولوندورماق ایجاب ایدهر . دولت شکللری ، دوغرودن دوغرویه بوسیاسی حقلرک توزیم طرزینه تابعدر . دولت داخلنده « حکمران اولان » ؛ اداره باشنه کچر . اداره باشنه کچمک شکلی ایسه دولت شکلندن باشقا برشی ده کیلدر .

آرستوتله‌س ؛ آلتی دولت شکلی قبول اییدیور و داها صوکرک کوره جکمز کبی بو تقسیمنه صادق قالمایارق اوچه اینیور ، (پولتیقه) . خلقك رفاهنی تأمیننه چالیشان قانون اساسیلر « دوغرو » ، خلقی ازهن قانون اساسیلر ایسه « خطالی » در . عمومك رفاهی نامنه تك بر فرد « حکم ایده رسه » قراللق ، خطالی قراللق اداره سی ایسه « استبداد » (تیرانیس) شکلنده تجلی ایدهر . دولت اداره سی بر قاج کیشینك آلنده بولونورسه اولغارشی ، خلقك آلنده بولونورسه ده وقراسی وجوده کلیر ، الخ .. اوبله آکلاشیلورکه : بو تصنیف ، آرستوتله‌سی کافی درجه ده تطمین ایتمور و بویکا باشقه بر اساس آرامایه مجبور اولوبور . « دولت شکللرینی فضیلت ، ثروت ، حریت تعیین ایده بیلیر . » قناعتنه واریور . آرستوتله‌س ؛ أفلاطون کبی دولته فضیلته بویوک بر موقع و بریور . فاقاط فضیلت مفهومی ؛ هرایکی متفكرك باشلانغچ نوقطالرینه بری برندن فرقلی ذهنی محتوالردن عبارتدر . دولت شکللرینی مناقشه ایده رکن بو اوج اساسك (فضیلت ، ثروت ، حریت) عمومی رفاه ایله ارتباط و مناسبتلرینی آراشدیرمق ایجاب ایدهر . فرد ؛ عمومی رفاهك انکشافنه مؤثر اولدوغی درجه ده دولت اداره سته اشتراك اتمک حقنی حائزدر . فاقاط دولت اداره سنك ، بر قاج لیاقتسزك آلنه کچمه سته چالیشمالیدر . دولت ، و طنداشلرک رفاه و سعادتق دیمکدر . بوتی تأمین ایده بیلک ایچین مختلف سیاسی اساسلره مراجعت اتمک مجبورینی واردر . بر فرد ، مثلاً حکمدار ، ایستهرسه فکری کالک صوکرک مرتبه سنی اشغال اینیق ، انسان اولق اعتباریه مختلف ضعفلری اولاسی قادار طبیعی برشی تصور ایدیله من . اونك ایچین ابی قانونلر وجوده کتیرمک و بوقانونلره مرعیت تأمین اتمک لازمدر . بوراده آرستوتله‌س ؛ أفلاطوندن تمامیه آیریلیور . أفلاطونك أك بویکک دولت اداملری فیلولوزوفلردر . هر شی عقل و حکمتله اداره ایده رلر . حالبوکه ؛ آرستوتله‌س ؛ بوتی کافی کورمیور و ابی قانونلرک دولت حیاتی ایچین بر ضرورت اولدوغنی سوبلیور . قانونك ابی اولابیلیمه سی ایچین

عمومی رفاهه خادم اولاسی ، یعنی اقتصادی انکشافه تضاد تشکیل ایتمه سی ایجاب ایدره . اساساً آرستوتلهس بو غایه نك تأمین مقصدیله آسیرلره قارشی سرت بر وضعیت آلیور . حالبوکه : بو زمانلرده آسیرلک مؤسسه سنك قطعاً اورتادن قالدیر یله سی ایچین صوفیستلر طرفندن وجوده کتیریلن اهمیتلی بر جریان حاکمدر . آرستوتلهسك صوفیستلره علیه داراولماسنك سبیلرندن بری ده ، احتمال که ، بواسیرلک حقنده کی تلقی فرقلری تشکیل ایدره . استادی افلاطون ده « دولت » نده بویه اطاعته محکوم ، یالکز عقل و حکمت صنفنك اداره سنه تابع بر استحصال صنفنك موجود اولاسی لزومه قانعدر . یالکز دهاها زیاده ره آلیست اولان آرستوتلهس بو خصوصده صریحدر . او ، یکی بر استحصال صنفی وجوده کتیرمکدن ایسه موجود اولان استحصال صنفی اولدوغی کی بر اراقایی موافق بولویور .

آرستوتلهس ؛ سیاسی فکرلرینه آرستوقراسی بی و استحصال حیاتی اساس اتخاذا ایدیور . بو اعتبار ایله دولت آدمیلری حقنده کی مطالعه لری صریحدر . بز ، یوقاریده ده بحث ایتدی کمز کی ، بیلورز که : آرستوتلهسك جمعیتی لیاقت و مزیت اعتباریله بری برندن جوق فرقلی فردلردن مرکبدر . بو لیاقت و مزیت فرقلری ایسه دولت حیاتنك طالعی اعتباریله جوق اهمیتلیدر . بعضاً برقاچ کیشی ، یاخود نك بر کیشی ؛ بوتون جمعیتك فوقنده بر قابلیت ، اقتدار و فضیلت کوسته ره بیلیر . بویه بروضیت ، آرستوتلهسه کوره ، قطعاً اعمال ایدیلرملیدر . بوتون خلقه دوشه ن وظیفه ، بو برقاچ کیشی به ، یاخود بر فرده قارشی تام بر اعتماد کوسته رمك ، دوغرودن دوغرویه هیچ بر شرط ایلری به سورمه به رك تابع اولقدر . فاقاط بو برقاچ ، یاخود منفرد « فوق العاده » نك اقتدار و فضیلتی نه صورتده تعیین ایدیه جکیزی بزه آرستوتلهس قطعی بر صورتده سوبله میور . منفرد فوق العاده ، دهاها آجیق بر افاده ایله قرال ؛ آرستوتلهس ایچین بر ایدره آلدی . منفرد فوق العاده ؛ قانونك تام معناسیله حاکم اولاسی ایچون بر مانعه تشکیل ایتمه ز . دولت و جمعیت فعالیتنك قانونه تعیین و تصریحی بویوک بر اهمیت حائزدر . چونکه بویکی فوق العاده لر ، صوکه درجه ده آزدر . قانوندن بحث ایدیلیرکن عرف و عادات اعمال ایدیلرملیدر . چونکه : بونلر ؛ « یازیلش » ، تدوین ایدیلش قانونلردن آز مؤثر ده کیلدر .

آرستوتلهس ؛ دهاها صوکره ، استادی افلاطون کی بر « ایدره آل دولت » پروژه سی وجوده کتیریور . بودولت حقنده کی معلوماتنر ؛ تمام ایدیلر مش بریازی به استناد ایدیور . فیلوزوف ، ایلك اوکجه ثولکه نك تدقیق ایله مسأله نك مناقشه سنه باشلیور . اوده افلاطون کی ، ثولکه نك مساعد طبعی امکانلری حائز اولماسنه اهمیت و بریور . ثولکه بویوک اولمالیدر . کورولویور که : آرستوتلهس ؛ افلاطون کی « پولیس » ذهنیتك تأثیری آلتنده در . ثولکه نك بویوک اولاسی ؛ اداره بی اشکال ایدره . دولت ثولکه سی ؛ ده کیز کنارنده ، اورتا درجه ده مثبت طور اقلردن عبارت اولمالیدر .

طبعی ، بویاده آل دولت ؛ اهلرلدن عبارت بر سیاسی معاشرتدر . آرستوتلهس کی اهلن و باربار فرقه بویوک بر اهمیت و برهن بر متفکر ایچین بونك باشقا تورلواولماسنه امکان یوقدر . چونکه : اهلر ؛ خصوصی بر معناده فیخته نك آلمانلری کیلدر . طوبراقاوستنده معین بویوک میسیونلری واردر . عینی زمانده اهلر ؛ قاهره مانلق ، عقل و حکمت تمثیلدر . بو « ائی واصل » انسان مالزومه سنی فضیلتلی و طنداشلر حالنه کتیرمک ایجاب ایدره . بوده دولتك ادا هیئتلی بروطفه سیدر .

آرستوتلهس ؛ دولته عاقد اراضی ایله و طنداشلره عاقد اراضی بی بر برندن آیریور . دولت اراضینك وارداتی ؛ عمومی شیلره یعنی ؛ دینی آیینلره ، دینی تشکیلاته الخ .. صرف ایدیلرلیدر . کیری به قالان اراضی ، مساوی قسملره تقسیم ایدیلیر ، افلاطون ده اولدینی کی بر حصه شهر یاننده ، اوتنه کی ده شهر خارجنده اولق اوزره و طنداشلره و بریلیر . آرستوتلهسك « شهر » ی عسکری بر شهردر . اطراف استحکاملره جه ورلشدیر . آرستوتلهس ، بویوک بویوک بر اهمیت و بریور . و طنداشلرک تربیه سی خصوصنده دولتك تعقیب ایدیه جکی غایه معیندر . یالکز معین بر دولت تلقیسنه کوره تربیه ایدیلن و طنداشلر ؛ عمومی رفاه ایچین کافی ده کیلدر . و طنداش ؛ حیات و دولت شکنك هر صفحه سنده لیاقت و مزیت کوسته ره بیلرک بر تربیه به صاحب اولمالیدر . چونکه : فردک رفاهی ، جمعیتك رفاهی دیمکدر .

تربیه نك اک صوکه هدفی تشکیل ایدن تربیه ؛ یالکز « عقل » له اهلده ایدیلرملیدر . آرستوتلهس ده افلاطون کی سرت بر تربیه پروگرامی جیزیور . فقط اونك کی مبالغه لی نتیجه لره وارمیور . آرستوتلهس ؛ بدنی سعیه قارشی بویوک بر نفرت دویدوغی ایچین « تام و طنداشلر » حتی بالذات زراعت ایشلری ایله مشغول اولالریخی بیلر قطعاً موافق کورمیور . عادی ایشلره مشغول اولالر ؛ فکری اصیلله شیرهن شیلره قارشی یابانچی قالمق مجبوریننده درلر . « تام و طنداشلر » خصوصی و عمومی بوتون خلقه صاحبدرلر . مکمل بر عسکری تربیه کورورلر . خارجی شکلی اعتباریله افلاطون و آرستوتلهس دولتلری آرزجوق بری برینه بکزه درلر . هرایکیسنده ده حاکم اولان صنف گزیده لر در . فقط مسئله بی بر آزدیرینه شیردیکمز وقت آزالرنده کی بویوک فرقی در حال کوروروز . افلاطونك گزیده لری یالکز دولت آدمیلیدر ، آرستوقرات قومونیستلردر ! استحصال صنفی چالیشیر . اونلر ، حیات صیقنتیسی نه در ، بیلر زلر . یالکز بول کوسته ریرلر ، قانونلر یاپار ، نصیحت و بریرلر . خاق بونی تعقیب ایدره . آرستوتلهسك گزیده لری ایسه اقتصادی حیاتده مؤثر اولالر ، ثروت و رفاه صاحبیلیدر . اوله نه بیلیرلر . چونکه : « عائله حیاتی » نك عمومی حیاتده جوق بویوک بر موقی واردر . عائله تشکیل ایتک ؛ فردی اداره ایدن قوتلی عامللردن بریدر . اساساً دولتك ایلك صفحه سی عائله دکلیدر ؟ فردلری ، افلاطونك دوشوندیکی کی ، مشترک بر سوبیه کتیرمک ، « تسویه ایتک » امکاننر

برشیدر . یالکز قانون و حیات تماسلری بونی بر درجه به قادار تأمین ایدره . قانون تأثیریلر فردلر ؛ کندیلرندن بعض شیلری ترک ایتک مجبوریننده در . بوده جمعیت فردلرخی ممکن اولدینی قادار بری برینه یاقلاشدیرمق اعتباریله اهمیتلیدر . قانونلری تعقیب ایتک ، قانونلره اطاعت کوسته رمک ؛ انسانك طبیعتنده مندرج دوستلق (فیلیا) یعنی اجتماعیلک خاصه سنه استناد ایدره . بو اجتماعیلک سوق ؛ مختلف خودکاملقلر آراسنده بر اجتماعی موازنه حصوله کتیریر ، یعنی خودکاملنی تصحیح ایدره . آرستوتلهس ؛ بوسورتله « ستوئیکار » ک طبیعی خلقه تلقیسنه اساس تشکیل ایدن « اجتماعی دویغولر » ک کاشنی صایلابیلیر . بز ، بو « اجتماعی دویغولر » دهاها صوکره « هوغو و غروتیوس » ده ، « سمیت » ده ، « یوم » ده تصادف ایدیوروز . آرستوتلهس ؛ استنادینك جاننر دولته قارشی تعقیده بولونمقدن چکنمه یور . دولت وحدتی ؛ فردک ضررینه اولارق تشکل ایتمه لیدر . فقط اونو نامالی بز که : بر جوق موده رن متفکرلرک ظن و قبول ایتدکلی کی بو فرد ، « اندی ویدو آلیست » کوروشه کوره محاکمه ایدیلن بر فرد ده کیلدر . آرستوتلهسك « اندی ویدو آلیستک » ی ، آرستوقرات بر فردجیلکدر . تام و طنداشلر ، یاریم و طنداشلر ، اسیرلر تصنیف ده پک صریح بر صورتده کوسته ریریور که : استقلال و حریتی ایسته نیلن فرد ؛ دوغرودن دوغرویه « تام و طنداش » در . اوتنه کی صنفلرک اساساً رولی جوق باشقادر . « عوام ؛ عقلدن دکل ضرورتدن ، کوزه لدن واییدن دکل جزادن آکلر » ، « ته نیک » . ملکیت تسویه سنندن زیاده احتراصلرک تسویه سنه اهمیت و برمک ایجاب ایدره ، « پولتیقه » . افلاطون ؛ ایدره آل دولتی الله اوغوللرینه لایق بر مؤسسه عد ایدیور ، آرستوتلهس ایسه زماننك اقتصادی وضعیتنه کوره بر دولت دوشونویور . بونکه برابر هرایکی دولت تبیی دهاها یاقیندن تدقیق ایدیلرکی وقت - مؤسسه به عاقدشکلر نه اولورسه اولسون - اسکی اهلن معاشرته ، سیاسی تشکلرینه استناد ایدره . اونك ایچون افلاطونی قومونیستلکک پیری فرض ایتک نه قادار خطالی ایسه آرستوتلهسی ده فردجیلکک ایلك نظریه جیسی اولارق قبول ایتک ده او قادار یاکلشدیر . چونکه : موده رن فردجیلک تلقیسی ؛ آرستوتلهس دورینك اقتصادی شکله قطعاً بکزه مه به ن ، شکل و ماهیت اعتباریله بوس بوتون باشقا اولان بر اقتصادی انکشافدن دوغمشدر . بویه بر فردجیلکی آرستوتلهسك ده آکلایاماماسی قادار طبیعی برشی تصور اولوناماز .

م . نری

